

## Stupili na snagu strožiji uslovi za podnošenje predstavke Evropskom sudu za ljudska prava

Pravilo 47 Poslovnika Suda, koje uvodi strožije uslove za podnošenje predstavke, stupilo je na snagu 1. januara 2014. Cilj ovog pravila je da poboljša efikasnost Suda i da ubrza proces razmatranja predstavki. Ova izmjena Poslovnika uvodi dvije velike promjene koje odmah postaju primjenljive i kojima se utvrđuje da li će predstavka biti odbijena ili dodijeljena sudijama.

Prva značajna promjena odnosi se na obrazac predstavke, čija je pojednostavljena verzija objavljena na internet stranici Suda (dostupno na [linku](#)). Svi obrasci koji se šalju Sudu sada moraju biti u potpunosti popunjeni i uz njih dostavljene kopije relevantnih pratećih dokumenata. Sud će odbiti sve nepotpune predstavke.

Druga značajna promjena odnosi se na promjenu roka u kojem se predstavka može podnijeti Sudu, odnosno, roka od šest mjeseci od konačne odluke najvišeg nadležnog domaćeg suda. Da bi se taj rok promijenio, sada je potrebno da predstavka ispunjava sve uslove navedene u pravilu 47. Prema tome, pravilno popunjeno obrazac, uz prateće kopije relevantnih dokumenata, mora biti upućen Sudu u roku predviđenom Konvencijom. Nepotpune predstavke Sud više neće uzimati u razmatranje za promjenu roka od šest mjeseci.

U cilju informisanja potencijalnih podnositaca predstavke i/ili njihovih predstavnika o uslovima za podnošenje predstavke, Sud je pokrenuo opsežnu informativnu kampanju među organizacijama civilnog društva i glavnim akterima u zaštiti ljudskih prava u Evropi.

U okviru kampanje, Sud je svoje informativne materijale o proceduri namjenjene podnosiocima predstavke, koji su dostupni na zvaničnim jezicima Savjeta Evrope (francuski i engleski), proširio i na jezike država potpisnica Konvencije. Shodno tome, Sud je objavio video u kojem je objašnjeno kako pravilno popuniti obrazac za predstavku (video dostupan na [linku](#)). Video je trenutno dostupan na engleskom, francuskom, rumunskom, ruskom, turskom i ukrajinskom jeziku. Dokument u kojem je objašnjeno kako popuniti obrazac za predstavku u skladu sa novim uslovima je dostupan na 35 jezika (dokument je dostupan na [linku](#)). Sud je objavio i novi pamflet u kojem je detaljno objašnjeno kako podnijeti predstavku i njen dalji proces razmatranja (pamflet je dostupan na [linku](#)).

---

Ovo saopštenje za javnost je objavio Sekretarijat i ono ne obavezuje Sud. Odluke, presude i ostale informacije o Sudu su dostupne na linku: [www.echr.coe.int](http://www.echr.coe.int). Ako želite da primate saopštenja za javnost Suda, možete se prijaviti na linku: [www.echr.coe.int/RSS/en](http://www.echr.coe.int/RSS/en), ili nas pratiti na Twitteru: [@ECHRpress](#).

### Kontakti za javnost

[echrpress@echr.coe.int](mailto:echrpress@echr.coe.int) | tel: +33 3 90 21 42 08

Tracey Turner-Tretz (tel: + 33 3 88 41 35 30)

Nina Salomon (tel: + 33 3 90 21 49 79)

Denis Lambert (tel: + 33 3 90 21 41 09)

Jean Conte (tel: + 33 3 90 21 58 77)